

學

福

齋

詩

集

學福齋詩集卷二十一

雲間 沈大成 學子

竹西詩鈔

杜補堂太守旣爲故明衛輝死節總兵卜公從善
葺墓脩祀復繪野寺尋碑圖以傳其事輒用韋蘇
州睢陽感懷韻書後

蛾賊旣渡河中原闕戎備壯士拔劍起獨守孤危地惟
矢狼睺忠那仗墨翟智倉皇徇都邑慷慨忘鈍利苦戰
創有百慘死心靡貳奈何明運終陽九阨已至藏血空
輪囷累革將淹棄片碣委荒蕪往往濕燐墜使君從南

來入寺感銘志因爲葺荒墳於以揭大義卓哉萬鬼雄
憤彼中朝貴醞酒薦溪毛過客皆累欷

秀水王墨泉故友穀原比部之子將爲山左之游
過揚來別感舊送行走筆賦此

宿草黃壚動昔愁南湖憶繫雨中舟秋風今日蕪城路

却送郎君作遠游

今夏往弔
已葬矣

麗澤消沉友道亡葛衣蕉萃古今傷巷南詩老情何厚

旣泛深卮更理裝

謂硯
農

嘹唳秋鴻霜影新衙齋蕃榻淨無塵使君高義今時少

如此風規足感人

曹州龔太守
招之東游

一天秋雨暗江城望望征帆何限情努力青箱傳世業
也登芸閣占詩名

贈楊蓮溪

玉壺動靜自攜天紅杏林中綠髮仙雙屐重尋瓜步渡
全家曾上洞庭船近自楚中來文名東里追前軌詩體西崑
積大篇一七久知回造化從今和扁萬人傳

飲酒

蟬聯容易倒深杯此夕鄉愁覺頓開釀法鏡湖春最美
教儂不憶索郎來

砌蛩切切雨浪浪孤客挑鐙空館涼只是酒醒深夜後

被香枕冷費思量

義山詩枕冷被仍香

過建隆寺示桐溪尊宿

寺爲宋太祖平李重進時建

京觀當年迹久淪
西風古寺感行人
禪心高演三乘法
血戰平填萬骨塵
槐驛晚蟬鳴噪急
菜畦秋蝶往來頻
滄桑自昔恒如夢
漫與休公論宿因

游鐵佛寺

五代楊行密宅

異代楊王宅今時釋種居
英雄同寂寞物序入蕭疎
風嗽羣松禿雲銜片月虛
本來無相在鑄鐵定何如

秋集好聲寮

在寺西偏鶴亭采香山詩意偏其相

閑房環遠翠一榻淨無塵
僧磬烟中暝秋光檻外新
當

時傳霸迹此日著詩人向晚松聲起笙竽到耳真

十六夜河干步月

翻因昨夕晦倍覺此宵明一綫痕雖闕千家影尙盈夜
鐙喧岸艇秋露冷江城忽憶深閨裏牽簾何限情

劉依齋大參招游城西別墅薄暮泛湖遇雨

蜀岡自東來蜿蜒蟠翠尾草堂面其陽竹木靜相倚雜
卉何娟娟曲沼亦泚泚清詩滿牆壁笙竽出繭紙平疇
短籬前如掌溝而塍

見國語

瓜架偃菜畦蝶趁殘陽起嘉

實竚登場觀稼良可喜一鰲呼城根載客去不止油雲
滃然合樓閣在烟水秋風卷白雨飛點疾于矢上岸蹀

虛齋先生集卷之二十一
沒泥淋漓易巾履我輩意寧敗歎詠方未已主人敷煖
茵肴核羅臚几耐色綠堆波燭花紅吐蕊所悵隔重闌
胡能久醉此歸塗門鑰下譙鼓統如矣

鶴亭仿王孟端竹爐舊製畫圖以寫其意暇集煎
茶各賦古詩一篇分禡韻

王郎竹爐藏僧舍四百年來冷光瀉忻經

聖人親製詩奎章懸映青山鐔微物亦自慶遭逢甌
鼎錯皆爲下鶴亭主人近圖之意象活脫可方駕孤清
松韻境頓移依約茶烟衆皆訝季疵魯望未必知玉甌
金碾寧堪亞重陽將至秋已深西風策策滿亭榭濃香

醵葑黃雪叢瘦影屈蟠青藤架月魂雲魄雜然陳蟹眼
魚鱗看易化但會禪心嘗自甘卽教水厄耽寧怕肯似
盧仝喫不能況當杜牧吟初罷前賢名蹟閱莫窺幸寫
此圖許客借傳觀太息還摩挲燭數裯進酒炙忽憶
都籃昔日游紗帽籠頭宛猶乍

庚戌秋曾陪華
丈豫原游此

秋登康山分魚韻

荒邱臨萬瓦傳此對山居近市人聲合遙天帆影虛北
司名一染南邁意何如斜日鳴秋雁凄然吟眺餘

偶成

桂花落盡菊花開寒信蕪城已幾回江上歸帆何日掛

樓頭過雁數聲哀，遣愁惟有拈詩筆。善病頻教斷酒杯，
時節重陽看又近。西風搔首獨登臺。

三賢祠訪菊分陽韻

籬根已圻幾叢黃，從此城西游屐忙。不逐春風爭絕艷，
偏將雅意傲羣芳。一時觴酌歡相賞，三徑鄉園歎就荒。
但看前賢今寂寞，何妨容我老猶狂。

翠玲瓏閣坐月分歌韻

秋老月光冷，棱棱爽氣多。散隨人影去，高壓雁聲過。寂
寞催更箭，微茫入酒波。諸公真健者，不問夜如何。

馬半查招同堇浦太史玉井對鷗漁川斗初集小

玲瓏山館

嘉會行菴忽十年重逢高館各華顛
那堪聞笛秋風裏

謂解谷

且共銜杯逝景前深竹小亭饒野意
法書名畫寄

栢禪當時舊雨無多在拂壁吟詩一惘然

感午橋謝山竹町于湘也

九日鐵佛寺分麻韻

登高依舊在天涯野寺荒臺落日斜
萬事逡巡成白首
一年容易又黃花
英雄霸迹俱前沒
佳節鄉心自倍加
山色隔江青不斷
倚闌南望路猶賒

聿亭餉蟹

縱橫堆滿榼分餉自江鄉
湯瀾雙螯紫膏流一殼黃泥

封金醴冽橙切玉蠶香燈蕊占非妄寒星況吐芒

天文南極

下有
蟹星

傍花村卽目

杖藜城外去一徑入烟村碧樹平圍野黃花直到門亂
鴉投屋背老牸繫籬根寂寞深秋意王蒙小筆存

寫意

隨身竿木且逢場月底花間容我狂半刺不知磨字滅
一童唯覺送詩忙自嗟引鏡頭全白却喜銜杯菊又黃
候雁已傳霜信至天寒風緊夜初長

何香海過訪留飲

良友遠方至歡然共酒杯寒更催月上斷雁出雲來晚
歲孤蓬感高秋萬木哀明看帆又挂爲我且徘徊

雪莊小憩示岷高

別墅近瓜洲翛然竹樹幽江光浮曲檻帆影落層樓雅
論仲長統高名陳太邱

莊爲尊人
虞泉手創

秋林引遊屐到此更

淹留

晚入福緣菴

歸塗日欲暝散策尙幽尋霜染半林瘦村連古寺陰有
情塵世夢無住道人心齋罷長廊寂寒鐘響未沉

自雪莊歸卽至筠榭齋中對月分賦

才憩江村樹還尋書屋芸漸驚秋欲盡不覺夜將分暗
壁無蟲語高天有雁羣常儀娥讀若娥偏泥客簾外白紛紛

采菊分歸字

時序過重九百卉嗟且腓愛此籬下花秋香闕巖扉晨
起循階除零露猶未晞西風吹原隰時有倦蝶飛采采
爛盈把聊以療朝饑故園荒徑存胡不早言歸銜觴陶
嘉月吾計寧爲非

九月十八日招同馮古堂同學張虞耕內姪泛舟
至平山堂徧攬諸勝作

故鄉半載別此地一舟同烟樹迷濛外樓臺遠近中尙

餘秋水碧不盡夕陽紅若愛虹橋好休教酒琰空

集筠榭齋有懷硯農新安道中分青韻

偶此諧良會因之念客舲江連天外白山入越中青寒
意冬將近灘聲夜不停懸知倚棹者目斷短長亭

爲鶴亭題重修鐵佛寺圖

石橋松徑寺門開舊迹楊吳指劫灰一刹勝因今再復

三生結願此重來秋風木葉停征騎

廣陵紅葉此地爲最

夜月梅

花弄酒杯

寺外皆梅花

難得主人真好事分題角藝鎮徘徊

春秋佳日每同
余輩來遊賦詩

汪對琴後譚菰圖

衣裏藏珠是導師餅中覆雀幾人知寂寥七子分鑣後
復見汪君快論詩

邸舍黃花客暫留當時詩筆欲橫秋較它昌穀逢何李
一句真能截衆流

冬心居士既化去弟子羅聘以蕉林午睡圖乞詩
爲賦一篇哀亡友兼義羅君焉

至人一生死遑分幻與真殤子故爲天彭錢今焉存蠅
蚰視靈椿久暫等微塵貝葉三萬偈琅函五千言妙義
本無無大患在有身嗟君返其宅消搖出入垠精氣合
溟滓廓然入昆侖君有詩數卷可以泣鬼神君有畫百

軸可以陵荆關所貴令名垂顯晦曷足論荒樵歸西冷
一杯湖山間首邱遂宿志不瘞禪智田斯人今則亡念
之淚如泉嚴霜迫冬月塢笛悽以寒晚有大弟子義高
蟬前賢手捧一畫圖云是生所傳君豈渴睡漢眉棱重
千斤役夫旣兒戲獵者亦愚昏茫茫人海中鼠穴徒紛
紜君今夢已覺如何不欠伸頑颺吹肥脂用韓詩問君聞
不聞嗟君自四禪文字有宿因當於再來時爲世轉法
輪香水華藏海香雲千由旬是身如芭蕉我聞維摩云
記蒔花之僧羅君自號一爲質能仁

題吳一山九日詩及管平原送菊圖後

志士甘澹泊性與菊相宜卽看九日作何異柴桑時言
念厥初生飛光迅以馳春明盛嘉會俯仰不可追近局
招兩三湖上弄清卮對茲西山色掇彼東籬枝雅興出
千古寫之數篇詩寂寥戲馬臺徒爲我輩嗤

涼秋九月中黃花滿畦生一枝若珠槃矚然傲羣英老
南翬遜者閉門方窮經采采往遺之寒香晚何清投以
句冰雪報之圖丹青相於素心人可喻本色僧我亦謝
塵勞山澤殷遙情

曉過楊子橋

墟落臨河岸人家古道西霜堆餅肆冷風壓酒旗低驛

騎聯翩過栖鳥自在啼當壚憐小婦十五髮初齊

寶輪寺贈龍山上人

舊爲車匿地今作導師居萬竹翠交處一旛風動餘白
椎參活句削牘理藏書鐘梵城南路紅牆在碧虛

喜晤興化李道園卽送之長沙

握手相看白髮新廣陵城下雨如塵旅愁萬種與千種

舊侶十人無一人

往時通志局共事五六十人今存者
君及天長陳燭門金匱秦味經江寧

程綿
莊耳

瓜步寒潮催去艇芳洲香草引征輪臨岐鄭重難

爲別同是天涯萍梗身

吳一山招飲席上作歌

風吼天欲雪，獨坐愁無聊。故人意良厚，折簡來相招。入
門撫黃楊，天矯竇雲旂。嘉樹託君子，勢與烟霄高。斯須
下重幕，旣乃出珍肴。飫我以勺藥，見枚乘七發醉之以葡萄。
酒酣誦佳句，古音諧策驚。想其落筆時，神力挽大昭。足
令楊羣輩，却步瘖不驕。紛吾而今衰，強顏談風騷。未得
退之拜，祇來子雲嘲。頻年累豬肝，垂老困牛腰。邂逅幸
遇君，莠儻同吾曹。百觴亦爲盡，肯孤此良宵。窗紙颯颯
鳴，六花已亂飄。

一山餉醃菜用蘇文忠春菜詩韻謝之

客舍僵臥門掩雪，野畦若鏡失薇蕨。故人遣餉蟠滿罌，

活色青青嫩且滑瓜飢微苦韭菹腥吳豉太甜閩薑辣
那如此菜味最長翠把晶鹽隨手抹晨餐動輒罄一槃
幾費烟苗與雨甲綠皺偏從秋末肥白鬆每向冬前茁
山厨獨有老僧知飽送香杭妙難說吁嗟乎擊鐘列鼎
饜卽休細嚼渾忘齒已脫

學福齋詩集卷二十一終

學福齋詩集卷二十二

雲間 沈大成 學子

竹西詩鈔

榕巢歌爲查恂叔太守作

嶺表老榕天下無樹極生根根生須支離擁腫蟠數畝
蒙茸怪醜工難圖我曾十年客其下紅棉紅蕉笑婀娜
海鷗往往栖樹顛道暑避寒無不可豈管支郡曰太平
伏波昔日軍南征篋笈峰高麗江繞有榕官解森然清
榕兮榕兮若有知特爲太守故出奇上則偃蓋下舒股
中廣方丈可堂宇太守本是澹蕩人一麾遠牧思澤民

南交萬里懾聲教士變之後誰其倫因樹作屋今復見
把茆蓋頂置筆硯吏人沙際奉指揮賓佐花間共游讌
白雲山色落檐楹朱戟霞氣連几案五寨烽銷百崗寧
甘棠是處歌應徧君不見黃州使君竹爲樓金石刻畫
垂千秋此榕此巢識遺愛長與天南銅柱留

對雪奉懷杉亭舍人

每傳歸信到何遲風雪漫漫繫我思逼歲尙爲江上客
逢人便問郢中詞牕光入夜渾疑曙花片先春已滿枝
安得款門雙屐響呼童預爲埽階墀

馬嶰谷半查雲壑清吟圖

高士寄幽躅往往志白雲扶風有棣萼友愛敦天倫叔
氏耽騷雅季氏嗜典墳各具泉石賞而得性情真紛吾
來廣陵投分遂數年物望推二許聲光俯三顏賓歸鄭
莊驛花發辟疆園玉山顧阿瑛前軌讓後賢中間違警
欵契濶隔籠樊歲時偶握笑不改生平歡詎意叔遽殞
宿草感墓田無著與天親去住分人天今茲展畫圖思
之淚潺湲恕先呼欲出維摩神自全季氏近更健白首
懷令原緬想圖中人晏坐如安禪絕壁倚天起布水飛
珠懸杉松大十圍蒼官髯虬然頓移卅六峰置之堂戶
間當時互酬倡短章兼大篇七均競雅奏百卉爭春妍

摩挲小玲瓏

君家山館中石名

山館足靜便吾老此爲客還從

弄琴尊能所旣冥寂結習亦唐捐呵凍不成字硯冰高
連蜺門外雪積尺打窗北風寒

讀吳梅查詩

昔我來廣陵僂指甲戌年求友始得子詩名已哀然其

時恰深秋青桂猶連蜺高館每過從諧笑雜禪元故人

陳與樓

謂竹町于湘

弭鞬相周旋今春重握手快誦銅鼓篇

風雲入顧盼谿崗湧邱樊伏波擬金奏悅忽橫戈鋌別

來歲月久感遇嗟躋屯怪其懷中筆天驥飛騰騫斯須

出數軸錦錯而珠編巨若扣霜鐘細若鳴冰弦下可闌

幽窗上欲驚高天想其神來候意乃忘蹄筌我慕延陵
氏世以能詩傳記室騁梁日承旨邁唐賢龔甄倡楚風
梅村張吳軍我友齒正壯氣骨已蒼堅大藥出鑪鞴仙
者何後先嚴冬歲欲盡飛雪圍柳綿孤鐙青如豆空宇
黯無歡一卷時在几聊藉解憂悃老馬寧識塗相憐託
夔魃

舊時月色軒對雪懷鶴亭葑田在新安分侵韻

凍合關河浹日陰殘年風雪更侵尋前村梅信應同訪

故里吟情自倍深客邸栖遲忘寂寞

寓舍同人皆去

遠書鄭重

恐浮沉開正我亦浮江下遙望黃山思不禁

張文亭招飲綠萼梅下屬爲作歌

碧落仙人來何所支離瘦影滿庭戶誰將青帝幻作花
莫是木難散爲雨槎枒骨出屈鐵蟠柔條矗立春風寒
嘈嘈翠羽應生妒栩栩綠蝶還爭妍此花舊在阿蘭若
健步遠移向林薄清泉奇石怪爲隣小院平欄得所託
主人宿抱陳思才花時埽徑芳尊開上客每來金谷聚
良宵頻見玉山頽上客良宵喜相遇酒酣往往留詩句
長歌短詠諧韶醴六草三真爛絢素今春歸自廣陵城
叩門銀鹿陵晨迎平生愛梅有同癖一到花前雙眼明
白太孤清紅亦開衆中那似綠衣妙經雨偏宜蒼蘚纏

巡檐好共幽蘭笑梅花菴主吳仲圭

謂老友吳翁

畫梅奇絕

窺天倪請君爲我寫作圖何用羨彼石家姝

送羅兩峯之海州

東上滄溟近烟波萬里間帆投公路浦雲起大伊山地
與神仙接人同鷗鷺閑紀行多好句埽席待君還

哭程香南

言別才經月誰知遽反真三生敦宿契一旦失斯人精
爽應通夢尋思倍愴神忿忿成永訣風雨入蕭晨

風義如君少題襟與古期頓忘千里客欣把百篇詩以君

詩集

商摧躡屐頻相過衝寒竟不知可憐將卒歲書札尙紛

馳

書翰驚當代人傳虞永興沉淪身在野孤潔意同僧絹
素明窗筆丹黃靜夜鐙叢殘猶滿架欲視淚先凝
皐復無兒泣奔哀有弟臨寂寥存老屋悽慟到遺琴止
坐思占鵬巢門指戴鴛徒持總經往難慰九原心

首夏休園卽事分蒸韻

石橋流水接花塍舊識名園到未曾緣徑曲廊圍翠竹
壓檐高架走朱藤漫驚節物初移序自歎心情已似僧
多謝香醪三百斛老懷拉雜醉難勝

寶應劉道存觀釣圖

天隨矢獻具爲詩十有五鹿門起益之僂指廿可數獨
遺一釣竿無乃失之粗祖占切璜溪與富春彼意各有取
厥自佃漁來此風亦已古齋淪汜光湖寶氣若可覩其
上有幽人讀書窮文府志與造物游不隨時仰頰漠然
却塵勞偶逐漁郎伍湖波浴日翻湖柳從風舞坐觀得
魚者往往亦自詡顧茲三尺綸便足廢昌女減切滬何必
五十犗氣勢勇如虎

鍾馗按劍圖爲程豆田賦

我聞殷有七族終葵氏老馗無乃其子孫手把芙蓉落
塵土張目直視萬鬼奔又聞天子之圭終葵首明無所

屈乃爲椎以椎逐鬼古則有況撫霜脊蟠蛟螭老尪老
尪來何方綠袍革帶神揚揚髮植如竿須蜩螬忠憤結
轡氣填臆意將排闥闥上以衛紫宸招搖與太陰當兵
伏句陳下以禦不若爲民驅不祥卽出捐夔魑還歸斲
猶狂凡此野仲類暨魑魅方良歎梁繁有徒一一血飲
鉅顧我對之啞然笑老尪老尪徒瑁璆李相楊相皆神
姦天寶之末嗟原燎舍之不食食么膺老尪當時亦已
髦梅雨初過蒲酒香生綃一幅懸中堂市頭挪掄尙可
脯我欲呼尪浮大觴

初夏泛舟湖上同劉依齋大參杜補堂太守杭堇

浦家旣堂兩太史筠榭司馬作

微風散輕陰晝景赫初夏縱櫂信所如往往入亭榭濃
春雖已更花事猶可借十畝紅藥田彌望錦爲藉駢羅
攢萬枝爛爛光不夜倚闌平視之殘妝慙未卸歸來憩
小軒新篁翠相亞銜觴共稱詩得句陵鮑謝葉上雨忽
鳴濕烟起林罅

南山樵隱圖徐石滄屬題

昔者朱百年伐藥而采若寒雪臥南山避世甘寂寞徐
君澹蕩人高情亦有託屋宇納雲靄藩柴遠燕雀衡門
瞰漸江積翠下林薄黃海逶以迤天老肩堪拍想其負

薪歸謳吟良足樂卽此致神仙便可求大藥敢曰吾勿
知輒效鴻蒙躍

四月二十六日集榮木軒同堇浦玉井對漚嘯齋
漁川作

櫻筍它鄉此幾經又攜雙屐到元亭翻階殘萼猶含紫
繞屋新篁漸放青桑落酒濃催客醉子規聲怨耐人聽
女兒節近牽離緒一片家山指畫屏

張嘯齋別去積年近歸自楚招飲草堂坐有善琵琶者
酒酣奏伎紀之以詩

積年間濶此宵同捍撥風生燭燄紅三楚驚濤千里夢

一時盡寫四弦中

酒坐歌場老更癡
況逢舊雨倒深卮
夜闌聽徹文君曲

自笑猶能作伎兒

見南史

跳珠撼玉響鏗錚
散水蕤賓怨復清
客裏偏多惆悵事

可堪彈出子弦聲

見白詩

伊涼法曲落梁塵
賀老傳頭妙入神
我輩自生天際想

不妨世有碎琴人

杭堇浦先生不喜弦索故調之

五月十三日淨香園卽目四絕句

端午已過尙水嬉
繡旗綵繚出平池
倚闌看盡魚龍戲
只少紅裙裹鵬兒

水光瀲灩月輪孤此景清虛不可摹何必乘風瓊圃去
冷然置我在蓬壺

重重楊柳綠遮山烏傍紅舷復往還贏得夜深人散後
漁郎來伴白鷗閑

習池勝賞記曾陪小部鶯花歌落梅白髮玲瓏餘我在
雙鬟莫也笑人來

座有吳伶德水公
旗亭樂府中人也

魚穿

陽羨橫山之人陶土若甌周爲穴若累衆月輪
置金魚琬中隣隣者穿而出入甚樂也余以舊
名之未肖取古穿穴之義命曰魚穿而詩之

玉珎穩貯足清娛似罩還非空洞殊豈爲牢籠忘遠去
悠然不願入江湖

題徐友竹詩後

江東舊德說耕漁

君家先世堂名

繞屋梅花插架書數卷新詩

吟乍竟泠然香界到來初

山外花光花外湖東西兩堰白雲鋪詩人合共仙斐住
除却堯峯天下無

曾向春山爛漫遊每逢佳處卽淹留把君詩更思前夢
萬斛香中一竹兜

疊石疏泉卜宅新酒經茶董稱吟身幾時來下高齋榻

其對梅花醉十句

香南百日重哭以詩

良友云亡忽十旬重泉永隔見無因
小庭曲檻仍如故硯匣牙籤已積塵
舊蹟每觀增涕淚遺詩空輯怕沉湮
平生有幾真知己援翰年年感故人

鮑香沙招同閔玉井程豆田吳杉亭江雲溪紅橋
納涼分歌韻

蘭橈容與蹴微波追暑相將弄叵羅
冷翠交時遮日少亂紅深處得風多
曲闌窈窕人如畫隔岸駒駟鳥自歌
更待夜深涼月上茫茫露氣出烟蘿

春農舍人惠師子貓先之以詩依數奉荅

師子威音百獸驚入門四壁便無聲從今鼠輩先褫魄
不敢穿墉白晝行

醜類潛藏窟穴移爭銜寢數去何之夜來安穩容高枕
當道於今有老羆

拂地鬚髯曳尾長金睛雙翦夜珠光只憂客裏無鮮菜
撲蝶銜蟬累爾忙

殲除無使正焦勞快覩狸奴捷似猱荀子使狸食鼠爲餉水晶

鹽一合更開冰甕昏香醪

大雨後遺安樓夜坐分後字

火正扇洪鑪赤脚無可走一旦油雲生載雨過南畝良
苗鬱平疇彌望失前後涼風自天來灑然拂左右俯仰
心地舒何止快離垢中庭羅茶瓜更共酣杯酒熱惱頓
去懷歌吟恒在口河朔庶足希嵇阮堪爲偶夜深濕螢
流往往墮虛牖起看銀漢橫參旗轉高柳

淨香園觀秋荷分秋字

朱曦漸以白物序戒蓐收亭亭池上荷露泣花猶稠萬
蓋翠影動一鏡紅香浮駢筵肆廣榭雜坐俯清流高興
騰逸爵怡情發名謳幽境儘可戀劇韻良難酬涼風入
生衣蕭颯氣已秋神淵正請雨吁雩方未休安得三尺

霖慰彼甿庶愁

梅查篇爲吳均作

飲器類非一皆堪娛酒人延陵有寶卮得之羅浮村斲
此凍蛟骨儷彼古犧尊皮蛻露錯節肌滑回奇紋拳縮
勢若卷腹凹形如蹲往往生寒香中有瑤斐魂陶匏金
玉犀直欲空其羣吾友嗜竹素几按羅皇墳酒酣爲歌
詩浩蕩排青旻何當乘之去以策千天闥笑呼張博望
鑿空

苦貢切安足云

鶴亭主人餉蓮蓬

擎出珠胎似離離

木難文選注木難碧色珠也

最宜紅袖剝好

向翠燦看漉水香仍細傾甌露未乾分甘牽客思秋入五湖寒

竹扇

製出葵蒲外編筠作筵形半窺江月白幾疊楚山青依約湘妃淚虛無帝子靈底須秋節至長自感飄零

學福齋詩集卷二十二終

學福齋詩集卷二十三

雲間 沈大成 學子

竹西詩鈔

秋月

獨有涼秋月團團分外明
地看成玉雪天欲洗寰瀛
思婦當牕泣征人度隴驚
姮娥甘寂寞不照別離情

秋星

秋星何歷歷望裏白榆疎
影共長河動光因明月虛
乘槎徒自切挹酒竟何如
三五衾裯怨應傳錦帶書

秋風

噫氣當秋發，逡巡萬木凋。
入衣愁遠戍，吹燭泣長宵。
椒桂留聲久，薤蘆結思遙。
況逢搖落候，更挾雨瀟瀟。

秋雲

片片如紈薄，臨秋罨翠微。
已拋宮女扇，還翦舞人衣。
侵曉擡霜住，將昏挾月飛。
巫峯頻入夢，何日寄當歸。

秋雨

不分潺潺雨，秋來每見侵。
陰連衰柳暗，聲壓亂蛩沉。
易入離人耳，偏驚獨夜心。
空階聽未歇，夢轉劇難禁。

秋露

零露灑灑白，秋深作意寒。
斜飛入蘆荻，半濕在闌干。
縹

縹仙人掌堅牢漢帝槃都來成泡影漫向草頭看

秋山

秋繪山容好橫空列若屏月臨中頂白雲截半腰青窈
窕藏深寺蒼涼帶小亭勞勞塵夢裏拄笏幾人醒

秋濤

秋風潮信長天水若相吞萬里奔巫峽千堆蹴海門喧
厓江勢溢疏鑿禹功存欲起枚生問廣陵費討論

秋林

木葉秋微脫高林一半黃蕭疎催宿雨寂歷冷斜陽攜
笠江村遠停車客路長南屏霜後過猶憶滿僧房

秋鐘

秋寺霜鯨吼聲洪遠近同酒醒孤館裏夜靜客舟中
梵放齋厨寂僧歸野殿空六朝衰草沒愁絕景陽宮

秋鐙

一釭秋鐙瘦宵長翦未曾映書愁倦客挂壁伴禪僧
牕破寒先覺風多閃不勝空閨殘夢轉有淚濕吳綾

秋雁

塞雁飛鳴迴離離却送秋夢回人倚枕酒罷客登樓
自向層霄邁誰從藪澤求碧空雲過盡看寫數行秋

送吳韞亭之吳中

大江潮正喧扁舟泛一葉故人從此去天水光合沓帆
收楊子津蘊蘊露城堞曲阿曉才經凌亭晚卽躡便娟
太湖峯信宿落眉曉君去恰中秋山塘遊屐集畫船三
雅飛高樓十番合葛合切隔巷繡桂翔重簾翠翹疊月華
鋪若浮鐙影來相壓髯也才縱橫天馬寧受馭吟興定
益豪萬象快攬拾況聞南來書仙緣締鴛牒香纓采陸
離玉琴音洋習請歌同聲歌願君作鵜鰈

幽蘭吟爲陳翁笠山作

昔我客七閩愛花嗜漳蘭厥種記有二請爲君詳言最
上產龍巖葉瘦花尤妍其次永定出葉肥蕊亦繁所爭

在素心純與不純間市之以葉論一葉值百錢花開則
計箭一箭須千緡有司充方貢隔歲獻上官宣州采奇
石饒州求嘉盆晴雨視惟謹寶愛逾嬋娟待至明年夏
同上荔支船詎爲草木微翻得陳

御前近來好事多爭輦仙霞關婉彼瓊瑤儕雜此几桵
邊草素與蕙素退舍不敢先今秋七月晦良友相招延

恰當花初放追陪洽清歡中舍耽黃妳別駕駐朱顏謂蔣

春農舍人夢喜對騰芳姿見顏師古賦邂逅同心人鏤冰莖

念劬親家稍弱刻玉瓣偏鮮燕姑意閑靜瑤姬態翩翩不覺引杯
醉高詠湘纍篇滋畹洵足羨當門良堪憐擘采綬爲佩

去謁紫芝仙

得家書

移燈細讀閨中信喜我橫江卽日回蟾影恰當八月滿
菊花好傍九秋開經年作客青鞵破垂老多愁白髮催
歸去泖湖魚鱉賤相逢先泛百分杯

樓亭孝廉攜子就昏廣陵旋歸珂里其親家卽杉
亭舍人中表也

劉廬本至戚鄒王今爲姻宦學京輦下少小里閭間儷
皮一以納采絲遠相牽孝廉率賢子淥水泛紅蓮昨歲
舍人至僑居邗江邊重尋薦蘿約不煩媒妁言

媒氏俱
京朝官

請期在今秋執燭來就昏新婦居房中鳴環施衿顰對
筵醕用香喜氣高細縕是夕天宇淨河漢無纖雲零露
團珠輝初月鬪眉痕衛郎真玉潤點翰芙蓉妍謝女才
詠絮而又工織紉說宅括切纓歌同聲居室誇比肩匝月
行當歸其載大江船竝蒲浪切茲沙漫洲拂彼石帆山靈
巖峯劣窮滁河水潏潏南譙城在望銅井羅烟鬟入門
見舅姑拜進何秩然蘋蘩忻有託滑甘治必虔提甕便
出汲宗郇咸稱賢郎君猶未冠蘭藻已流芬卽看接翼
飛雲霄同騰翥紛吾辱襟契謬允吉事實幸得與歡成
願諧睢麟篇

洪林士月季花便面

洪厓先生工折枝活色生香信手爲興來調粉寫月季
嬌似牆頭小女兒女兒十五顏窈窕凝妝愛向花間遶
翠葉紅粧映日鮮柔莖弱蕊臨風裊羣芳經歲始一開
此花一月開一回不隨黃英階前落似伴常儀天上來
吾兄點染何嫵媚說是趙昌真無媿莫攜扇去後園中
恐引嬉春狂蝶蜂

秋海棠

砌畔牆根開漸稠簪來紅襯玉搔頭中宵露下數叢濕
小院蛩吟一片秋芳信尚牽春女怨

梁元帝纂要春分一候海棠風柔

學齋集卷二十三
情又惹旅人愁底須燒燭頻相照低傍闌干夜色幽

中秋前一夕依齋大參招同堇浦太史筠榭別駕
湖上泛舟

圓魄逼中秋行空含萬象挈舟入其中意欲排雲上紅
橋溯蜀岡十里波滉瀟微風來清冷暮色連莽蒼

采莽切

我輩三四人嚠古相抵掌唐許與彭殤陳迹成俯仰酒
酣更稱詩衆山皆爲響太史起揮毫三人行棄杖斫桂
逢吳剛求珠得象罔婆娑涼影間擺落塵世想是日湖
無船亦無屐一鞠夜淨露脚飛往往落魚網沿緣菰蒲
歸瑟瑟送雙槩

深莊秋襖詩

深莊臨江渚，譙山近峻嶒。顯氣散原野，秋卉吐其英。相
與脩襖事，催上籃輿。輕草根露猶泣，林表雲初平。涼蛩
隱隱斷文雉角。

古祿切

角鳴中田禾穗垂，載路語笑盈喜。

聞主人至已早，啟柴荆。奇石衆離立，老樹交枝撐高館。
包遽字曲榭，引小亭疏池。醺潮汐放艇陵滄溟，猶舒菡
萏紅遙襯菰蒲青。宛披輞川圖，堪尋閑鷗盟。斯須陳綢
几，雜坐吹簫笙。第使月不動，何惜杯常傾。吾聞諸葛融
賓客各盡能，投壺洎弓彈促席洽歡情。又聞至正間吳
下顧阿瑛，玉山盛良會，觴弦不暫停。以今準疇昔，風義

感友朋遊興況爛漫吟思咸仝騰起視園中桂連蜷開
成塍風卷黃雪飛濃香浸前楹

廣陵曉發

秋雨連綿快曉晴歸帆又挂廣陵城花明酒釀前宵夢
前一夕主人合樂祖餞雲白山青此去程頻歲飄蓬成底事幾時

騎鶴慰平生往來道路同行脚雙堠津頭漫送迎

渡江至京口作

曉風正利輕舟發掀舞洪濤疾若神天末樓臺懸北固
江頭帆艦暗西津襄樊水下洲全沒今歲湖北木潦歲序秋來

雨自頻霸氣孫劉銷歇久落鴉陳陳送行人

丹陽

蘆葉蕭蕭豆葉黃秋光滿眼過朱方荒城衰柳歲孤驛
小市斜橋帶夕陽香草盈車成捆載新杭論斗數錢量
地產醒頭草香珠米江南今歲農家好不似荆湖轉粟忙

夜過常州

月色微茫露氣深晉陵城外亂蛩吟蕭公事業同塵劫
蘇氏文章自古今法鼓蓁蓁來遠寺荒雞喔喔出前林
征南恩分誰能忘每過青門淚不禁

謂潘敏惠公

無錫道中

西神山似翠眉長小倚蓬牕送夕陽漕艘北回帆轟轟

客舟南下水茫茫上街擔壓湖菱美滿店餅堆泉酒香
猶剩平生知己淚不堪屢過鄭公鄉

謂華丈劍光

山塘

海湧峯寒翠不流曲欄橋畔暫停舟幾回試眼看山色
一種關情憶夢游

春間泥飲于此

歌舫酒鑪人影艷碧雲紅樹

雁聲秋闔廬殘塚誰來問落日悲笳起客愁

重過南樓有感

珠沉雲散忽三年重過妝樓倍黯然孤塚荒山千古恨
筆牀書櫃再生緣從來浮世原如夢似此空花好證禪
憑仗香溪鳴咽水爲流雙淚到窮泉

送范瀛山之黔中

偶歸鄉井暫淹留，又送君爲萬里游。
白髮相看皆晚歲，清江此去正深秋。
桄榔雨外山遮路，猿狖聲中客倚樓。
一自星輶留紀後，湯西厓先生有使黔集范雲橐筆繼風流。

九月二十一日自潭西放舟至二十七日始抵廣陵塗間得絕句十八首

半載歸來髻轉蒼，念念忽復戒舟航。
浣衣裝絮收書帙，又累閨人一番忙。

吳江船上善吳歌，柔櫓輕搖哀響多。
最是五更殘月落，教人無耐別離何。

解簾鳴柵去灣灣舟楫安行戍鼓閑一點青隨村樹轉
榜人遙指馬鞍山

沙湖水接陽城湖湖水浮天樹影無聞說今年魚大上
截流不數太湖汛

紅豆書堂汝社齊往來詞客徧留題而今剩有荒寒在
老屋三間野水西

過惠學士故居

盤闔柳色晚蕭蕭折盡長條更短條李態張娟今不見

秋風三百九十

讀氏橋任切

讀史樓空芳信稀十年夢逐落花飛塔鈴不語鐘聲寂

雁外輕雲憶舞衣

雙塔寺前鳳樓故居也

羣從追隨弄酒杯驚籠踪跡亦堪哀
東城父老應乾笑二十三年始一來

歌臺酒坐迹皆陳回首東田一愴神
空巷雀喧車轍少

滿庭落葉半牕塵

過留餘堂

飲仙遺蛻指丹魚古寺寒鐘到草廬
遙憶故人居幕府

夜窗鐙火自驚書

謂老友陳光岳

岸上絳如塌翼鳥河中淌板逆流魚
老來十事九不稱累我牀頭數卷書

黃溲墩上畫闌新一霎風來雨似塵
多少遊船惠山去竹鑪不看看泥人

海內畸人鈕牧村新詩句句欲銷魂十年相憶不相見
何日牕西一笑溫

岼脚沙枯水靜波市頭美酒醉人多常州漁網高如屋
不道度亭有虎過

列戟當年轍迹多城東甲第鬱嵯峨白頭賓客重來日

門巷苔深雀可羅

過潘敏
惠公宅

秋柳蕭疎落日斜相逢童稚尙咨嗟卽今池館歸誰氏

猶把青山屬謝家

張叔度方
伯青山莊

漕艘回空僨水程尾帮已過呂蒙城浙西今歲豐魚稻

好兌官糧蚤北行

路入丹陽高岸橫
咿啞

讀於加切

歷錄走車聲
香珠新米流

匙滑花露春醪徹
琰清

學福齋詩集卷二十三終

學福齋詩集卷二十四

雲間 沈大成 學子

竹西詩鈔

秋杪重遊鐵佛寺

萬綠變丹赭霜氣亦以深一徑度石梁寧然見珠林良
遊追疇昔幽興發自今禪悅真可味詩境還重尋高牕
納白雲脩竹聚清陰平潭澄餘潦曠野聳遙岑上有棲
風悲下有寒蟲吟英雄竟奄忽霸迹都銷沉

寺爲楊行密故宅

幾轡去不息時序何駸駸江山莽遼落俯仰感客心載
詠哀逝文淋浪濕衣襟

去歲鶴亭招看紅葉于此同遊程香南已下世矣

餅中紅葉

幾葉乾紅好依然帶夕陽摘來秋谷遠插向古餅長酣
助尊中酒寒欺屋外霜石屏容點筆不必定江鄉

聞秦尙書亡

秦淮鐙舫酒波清回首前塵百感生世路卽今誰鮑叔
故人有我是雲卿鼎鐘應勝山林樂鷗鷺寧尋車笠盟
聞說靈輶南下近斜陽殘笛不勝情

題鮑香沙我與我周旋圖戲效半山體

唯我乃知我周旋不相左動靜任倘佯出處鮮尅尅形
骸雖支離心性豈堀堞惟有我尙存隨觸歸怙妄如罔

雨與景相親其行坐或舍逐外物巨舟失其柁試觀浮
提中徇人無一可誰爲溝中斷詎作塞上馬曲學每隨
波乞兒空向火上土握大機意致何蕭灑偶然寫成圖
卽之秀而雅在我得乎珠於彼皆土苴曷喻蕉樹堅寧
受雨花惹惺惺主人翁萬緣俱當捨無我無我此是
了元者

丁鶴洲幽巖宴坐圖

丁君山水癖意與積翠謀引鏡自寫真落筆陵清秋南
徐多名山竹林鶴林幽君也生朱方時時蠟屐遊壯歲
愛六法辦香飯營邱白雲旣出岫竹西遂淹留造請無

虛日筆瘁墨亦愁因思解塵勞去逐禽向儔豪士邁張

兄

毘陵張玉川補圖

吐氣回千牛晴窗爲補圖烟嵐收吟眸上

懸垂天瀑下立灌木稠有洞蒼然深鐘乳枝相樛君也
此晏坐何減入石樓冥心歛羣聽堪興猶浮漚妙明證
能仁寓言味莊周一笑人海中嬈嬈不得休

獨宿

碧天無際樹無聲獨宿繩牀夜二更倦枕難回千里夢
寒鐙空憶十年情孤鴻嘹唳穿雲去饑鼠沿緣上案行
一入泉扃消息斷被池唯有淚縱橫

夜坐

空館風淒葉滿庭塊然枯坐夜冥冥透簾新月三分白
倚壁孤燈一穗青壯志銷沉仍抗髀舊交尋憶漸凋零
可堪天末征鴻過更送寒聲客裏聽

寓齋小集張看雲徵士爲作銷寒圖題詩其上與
寶所侍讀吳長蘅江玉屏兩上舍繼作

寒雪今冬少江風亦以寒偶然杯重把不覺歲將殘千
里萍蹤合一枝栖息安僧繇留妙筆拂壁幾回看

溧陽潘南湖別四十年矣今冬遇於廣陵年七十
有六齒髮不衰豪上猶昔握笑甫雨便往吳門酌
酒話舊送之以詩

班草重相見西風滿廣陵同爲彈鋏客何異過堂僧與余

南湖俱意氣飛騰在詩歌老橫能濁醪堪一醉悲憤莫

尚無子
填膺

聽雨記聯牀師門話舊長

謂于鶴泉先師

風流逢二老

澤州陳廉村賢

叔葦村

同調有諸郎

于史家子弟

授簡登高座傳衣到後堂

華嚴儼未散回憶總沾裳

此向吳門去吹簫慰寂寥晚烟臨頓里寒日伯通橋車

子歌喉細船娘酒態嬌好音頻寄我孤客正無聊

送江玉屏之楚中

知己無多在如何君又行寒潮瓜步岸春樹漢陽城倦

客增孤寂衰年仗友生驪駒門外繫抗手不勝情

宿昔恒傾慕三年交更深遇花頻約看得句卽相尋共

屏

早正切

塵中想真如纍後音天涯分俄頃莫便去駿駿

我欲訶天問君當斫地歌才名誰得及時命竟如何結
友黃金盡逢人白眼多且傾一杯酒明日隔山河

豈有才如此而終牖下貧驚疑投杼日抖擻棄繻身雪
色將殘歲梅花正入春紀程詞句好一慰索居人

乙酉開歲六日陳寶所侍讀閔西軒江硯農錢開
仲集飲寓齋以陶詩歡言酌春酒賦韻得酒字

開歲乍六日銷寒恰五九所喜連朝晴春氣透梅柳軸

轉瓦雀鳴晨光滿戶牖
矜彼市上魚翦我園中韭
綠雪點鮮芽紅泥坼昔酒
言念捉甕格堪招忘形友
逢場戲竿木弄筆脫窠臼
禪家許自恣義學好共扣
譚諧快洗洋龍鍾媿老醜
文字良足娛功名亦何有
獨嗟懷錦客謂江玉屏失路四方走
一帆破白雲窈窕指南斗
遙情相與殷不覺停杯久

人日集硯農晴綺軒次寶所侍讀韻

彩勝屏風一番

乎萬切

新日逢喻復競芳辰
莫嗤座上清

狂態且喜尊前健
在身敢向江湖稱
漫叟強拈聲韻逐
詩人紅橋聞說冰
將泮好放蘭橈去
探春

穀日杭堇浦太史汪石恬明府徐莪農雅宜小集

以謝詩春心自相屬賦韻得春字

歲稔民乃粒舊傳有靈辰逆旅倚硯田差免憂甌塵及
此風日美埽榻敷重茵采采澗中芹可以衍嘉賓杖者
來詩老素心得比隣譚莪儕陰何論世友孟荀萬鍾傲
不睨一杯歡相親聞說蜀岡梅撲鼻寒香新玉妃隔年
別曠若越與秦何當攜短筇去嬉前溪春

春霽

鵲報新晴噪短牆上窗紅日逗春光好收蠟屐無虞濕
便買蘭舟不厭忙是處山頭如染黛幾家屋角尙堆霜

老夫曉起添吟興一萼初開傍石牀

閔玉井陳對漚易松滋恬村秋澄吳梅查集飲以
杜詩江縣紅梅已放春賦韻得放字

吾老不適俗閉門謝塵坱紛來素心人欵然畧輩行

下浪

切

汲泉淪畦蔬提甕貫隣釀擺落尋常談忻對自諧暢

獻歲甫一句春氣已駘宕東風殊多情往往簾波漾相
與尋清歡更復發高倡健筆走雷霆細響屏甕盎鼎鼎
迅百年及時語非妄底須慕銀黃亦莫鄙澣統濡首沒
杯中任君笑頽放

易恬村秋澄招集高齋同賦春雪

開正才見雪已勒一分春不分

扶問切

吹爲雨俄然陷作

塵寒禁挑菜女吟助探梅人歸路添泥滑杯行莫喚頻
晦日集陳笠山客館同寶所侍讀春農舍人作

一番酥雨幾枝紅共踏香泥訪寓公晦日風光容我借
老年詩筆讓君雄江魚入饌初知美春蟻浮杯不放空
還憶中吳梅漸盛牽人吟夢虎橋東

次韻李晴洲櫂歌七首

綠楊影外櫓聲柔雨脚初收夏似秋斜日依微公路浦
沙鷗點點送行舟

竹枝哀怨柳枝春來往江頭幾問津不用長檣鐵鹿子

阿儂原是識風人

桃葉桃根易惱公爲儂愁水復愁風如何江上潺潺水
不肯西流只向東

慶亭東下曉烟開惠山窈窕波沿洄酒味沙糖惟此地

長年半醉擔瓶回

晉神弦歌酒
無沙糖味

港汊如梭接太湖漁莊三雨水雲孤望亭已過蘇臺近

山勢隨船走碧蕪

銷夏灣中花好看只教爛漫不教殘載儂便入太湖去

荷似衣裳芡似槃

盡寫風流入櫂歌看騎天駟渡天河

君名在
獻賦中較宅羊侃

還能飲漫聽新聲喚奈何

見南史本傳

哭劉依齋大參四首

臥疾方期起誰知竟返真形神歸冥漠光氣動星辰風
采傳持節儀型在搢紳若編耆舊傳淮海首斯人

宦轍嗟如夢馳驅幾十秋謳思猶洱海涕淚有湘流樂
布民來社元規客去樓峴山登望處萬里暮雲愁

一自抽簪後蕭然三徑清采蘋脩廢祀

先生脩復南渡魏王二將軍廟

歲時祠祀

授簡曾諸生

先生于別業起席舍會課

負杖多閑興看山起遠

情寢門皆義故話舊各沾纓

猶憶逢佳日風流繼習池到門疑讀畫索筆屬題詩馬

策還增感琴絲祇助悲悽涼薤露曲撫几一澆卮

花朝前三日橙里招看梅花自淨香園泛小舸至
蜀岡之麓入栖靈寺汲第五泉飲花下天將雨遂
返以楊誠齋詩只爲梅花也合來爲首句得四絕
只爲梅花也合來冷香陳陳水雲隈紅橋北去句留處
多半瓊枝向我開

只爲梅花也合來水周堂下雪爲堆便如步入孤山寺

坐臥芳茵不肯回

湖上梅花以
淨香園爲甲

只爲梅花也合來嚼花鬪茗鎮裴回寒泉一勺饒清味

劇勝澆愁三百杯

只爲梅花也合來
憎它春雨暗相催
歸時飄瞥餘香在
又損庭階幾點苔

徐耘農齋詠瑞香花

有花皆四出
小結麝囊深
朶簇影相倚
枝攣風不禁
芳

菲宜補志

宋書有符瑞志

郁烈自成林

內典有香林

也共緇梅發尊

前賺客吟

筠榭餽鯢魚一器詩以謝之

雪片銀刀喻不虛
筵筵上市蚤梅初
縱饒玉鱠金螯美
風味何能及此魚

底須鱸具借遺民
入饌偏宜春韭新
鮭菜更增鮮味在

從今莫笑庾郎貧

故人情義晚誰似杜每致名肴慰老夫
好過漁莊相料理
朝朝穿柳餉山厨

學福齋詩集卷二十四終